



*Акафист  
святым мученикам и  
исповедникам  
ГУРИЮ, САМОНУ  
И АВИВУ  
с кратким житием*

## ОГЛАВЛЕНИЕ

Акафист святым мученикам и исповедникам Гурию, Самону и Авиву.....	3
Молитвы.....	13
Житие святых мучеников и исповедников Гурия, Самона и Авива .....	16

## **АКАФИСТ СВЯТЫМ МУЧЕНИКАМ И ИСПОВЕДНИКАМ ГУРИЮ, САМОНУ И АВИВУ**

### **Тропарь, глас 5**

Чудеса святых Твоих мученик/ стену небориму нам даровавый, Христе  
Боже,/ тех молитвами советы языков разори,/ Церковь святую укрепи,// яко един  
Благ и Человеколюбец.

### **Кондак, глас 2**

С высоты, мудрии,/ благодать приемше,/ сущим во искушениях/ предстои-  
те, всехвальнии./ Темже отроковицу, святии,/ от смерти горькия избависте,/ вы  
бо воистинну есте// Едесу слава и миру радость.

### **Кондак 1**

Избранныи чудотворцы Христовы и святые веры исповедницы, Гурие, Са-  
моне и Авиве добронравнии, память вашу чтуще песнями похвальными, воспе-  
ваем яко христиан заступников, страждущих покровителей. Вы же, имуще  
дерзновение ко Господу, от всяких бед и напастей свободите нас, верою и лю-  
бовию зовущих: Радуйтесь, Гурие, Самоне и Авиве, страсготерпцы Христовы и  
обидимых покровителие!

### **Икос 1**

Ангелы во плоти Троице Святей равночисленнии, любовию к Богу горяще,  
идолы попрасте, веру

Христову укреписте, Троицу Святую прослависте, темже убо похваляюще  
подвиги ваша, глаголем вам сице:

Радуйтесь, светильницы благочестия.

Радуйтесь, обличители нечестия.

Радуйтесь, утверждение веры Христовой.

Радуйтесь, столпы Церкви Божия.

Радуйтесь, верных надеждо и заступление.

Радуйтесь, неверных страх и посрамление.

Радуйтесь, Гурие, Самоне и Авиве, страстотерпцы Христовы и обидимых покровителие!

### **Кондак 2**

Видя нечестие людей града Едессы, святии Гурий и Самон в пустыню удалишися, бегая князя мира сего и соблазнов его и усердно служаще Богу, день и ночь воспеваху: Аллилуйя.

### **Икос 2**

Разум премудр имея, святии мученицы, выну трудишася во славу Божию, языческое нечестие, обличая, ищущия истины на путь правый наставляя и мнози неверныя к Богу Истинному привлекоша, сего ради глаголем вам сице:

Радуйтесь, насадители истиннаго богопочитания.

Радуйтесь, искоренители демонскаго служения.

Радуйтесь, тьмы нечестия обличители.

Радуйтесь, идольския прелести; низложители.

Радуйтесь, исповедницы Христовы изряднии.

Радуйтесь, светила веры православныя.

Радуйтесь, Гурие, Самоне и Авиве, страстотерпцы Христовы и обидимых покровителие!

### **Кондак 3**

Силою свыше осененнии святии мученицы, гонителей святя веры не уст-рашишася, веления нечестиваго Антониана небрегоша и веру Христову веле-гласно прославиша, темже и в темницу ввержени пояху Богу: Аллилуйя.

### **Икос 3**

Имея веру во Христа, адаманта твердейшую, и силою той вооружившийся, мужественно претерпели есте, святии мученицы, темничные узы и самую смерть, сего ради похваляюще таковое мужество, ублажаем вас сице:

Радуйтесь, истинныя веры исповедницы.

Радуйтесь, царствия Божия наследницы.

Радуйтесь, мучеников похвало.

Радуйтесь, страстотерпцев славо.

Радуйтесь, святя Церкве утверждение.

Радуйтесь, всего рода христианскаго украшение.

Радуйтесь, Гурие, Самоне и Авиве, страстотерпцы Христовы и обидимых покровителие!

#### **Кондак 4**

Бурею помышлений сумнительных одержимый, нечестивый царь Ликиний воздвиже жестокое гонение на христианы, ты же, страстотерпче Авиве, того не убоявся, с твердою верою взывал еси Христу Богу: Аллилуйя.

#### **Икос 4**

Слышав царь Ликиний твои подвиги, досточудный Авиве, и твое твердое веры исповедание, разъярися на тя злобою, повеле предати тя смерти лютей яко противника царева, ты же, уведев о сем, добровольно потекл еси на мучение, и с радостию претерпел еси огненное сожжение. Сего ради, дивящися великому мужеству твоему, величаем тя сице:

Радуйся, поборниче веры во Христа неустрашимый.

Радуйся, воине Христов непобедимый.

Радуйся, повешенный на древе за Распростершаго руце Свои на древе крестнем.

Радуйся, строганный когтьми железными.

Радуйся, утешение подаваяй скорбящим.

Радуйся, скорый помощниче всем, за истину терпящим.

Радуйтесь, Гурие, Самоне и Авиве, страстотерпцы Христовы и обидимых покровителие!

#### **Кондак 5**

Боготечным звездам на тверди небесней подобнии были есте, святии мученицы, лучами жития своего тьму языческаго нечестия просвещающий и многих

на путь истины наставляющий. Темже благоговейно чтуще память вашу, благодарно поем Богу: Аллилуйя.

### **Икос 5**

Видеша людие града Едессы многие чудеса, бываемыя от раки святых мучеников Гурия, Самона и Авива, зело радовахуся и Господа всем сердцем прославляху, мы же чтуще святую память вашу, святии мученицы, умильно взываем:

Радуйтесь, неправедно гонимых заступницы.

Радуйтесь, верных рабов Христовых друзи.

Радуйтесь, сущих во узах и темницах хранителие.

Радуйтесь, гонителей и обидящих вразумители.

Радуйтесь, плачущих утешители.

Радуйтесь, от наглыя и лютыя смерти избавители.

Радуйтесь, Гурие, Самоне и Авиве, страстотерпцы Христовы и обидимых покровителие!

### **Кондак 6**

С высоты, мудрии, благодать приемше, за сущих во искушениях предстоите, всехвальнии, темже отроковицу, святии, от смерти горькия избависте. Вы бо воистину есте граду Едессе слава и миру радость; сего ради воспеваем ко Господу: Аллилуйя.

## **Икос 6**

Вражия работы избави нас, Иисусе Жизнодавче, Твоих страдалец мольбами умоляем, яко да не порабощенну стяжавше от страстей душу и тело, восхваляем тех скорейшую помощь, якоже и во гробе затворенную мужем скоро предваривше, от смерти избавиша; темже взываем вам сице:

Радуйтесь, невинную жену от лютыя смерти спасшии.

Радуйтесь, дивным спасением ея зверства мучителя победившии.

Радуйтесь, злаго мужа жестокое деяние обличивши.

Радуйтесь, и того веровати в силу Бога Христианскаго научившии.

Радуйтесь, податели милости тоя требующим.

Радуйтесь, стражи неусыпнии почитающих память вашу.

Радуйтесь, Гурие, Самоне и Авиве, страстотерпцы Христовы и обидимых покровителие!

## **Кондак 7**

Хотяй Человеколюбец Господь явити милость Свою людем Своим, сохрани телеса ваши нетленны, чудеса точащий, от нихже вси вернии токи исцелений получают, зовуще Богу: Аллилуйя.

## **Икос 7**

Новых заступников и дивных чудотворцев ведуще, людие града Едессы святой храм в память вашу создаша, в немже и мощи ваша положиша, да вси страждущий помощь в них почерпают, мы же такожде твердо надежду на вас имуще, взываем вам сице:

Радуйтесь, душевных и телесных недугов наших целители.

Радуйтесь, бесов о имени Господнем изгонители.

Радуйтесь, Евангельския истины благодати благовестители.

Радуйтесь, Божественныя благодати носителие.

Радуйтесь, скорби многи за имя Господне приявшии.

Радуйтесь, дивно во святых Его просиявшии.

Радуйтесь, Гурие, Самоне и Авиве, страстотерпцы Христовы и обидимых покровителие!

### **Кондак 8**

Странно и страшно неверным слышати, каковы дивные дела от святых мощей ваших совершаются: недужи врачуются, страсти исцеляются, мы же, твердо надежду на вас имуще, Богу о вас тако благодеющему с верою взываем: Аллилуйя.

### **Икос 8**

Всеми добродетельми исполненнии, за нихже и славою Божиею почтении, внимаете, святии мученицы, молитвам верных, чтущих святую память вашу, от нихже слышите сицевая:

Радуйтесь, нищии духом, яко ваше есть царствие небесное.

Радуйтесь, плачущии, яко утешистесь.

Радуйтесь, кротции, яко наследовасте землю.

Радуйтесь, алкавший и жаждавший правды, яко насытитесь.

Радуйтесь, милостивии, яко стяжали есте помилование.

Радуйтесь, чистии сердцем, яко уже Бога узресте.

Радуйтесь, Гурие, Самоне и Авиве, страстотерпцы Христовы и обидимых покровителие!

### **Кондак 9**

Всякия напасти, находящия на град Едессу, разоряли есте, святи мученицы, темже и ныне не оставите нас, смиренных и грешных, но вся люди страны наша в православии и единомыслии утвердите, да вси едиными усты и единым сердцем воскликнем прославившему вас Господу: Аллилуйя.

### **Икос 9**

Витии многовещанныя яко рыбы безгласнии зрим о вас, святии |мученицы: недоумеют бо, како в пустыни духом витали есте и посреде человек неусыпными подвиги подвизастесь. Мы же радующеся, яко таковы имамы учителя и молитвенники, прославляем вас, глаголюще:

Радуйтесь, кимвалы Слова Божия.

Радуйтесь, теплии о нас пред Богом ходатаи.

Радуйтесь, иудеев и еллинов просветители.

Радуйтесь, тридневнаго Воскресения Божества благовестители.

Радуйтесь, кротости и воздержания учителя.

Радуйтесь, лжи и татьбы обличителие.

Радуйтесь, Гурие, Самоне и; Авиве, страстотерпцы Христовы и обидимых покровителие!

### **Кондак 10**

Спасти хотя люди града Едессы от мысленнаго волка, твердо увещали есте тех стояти во истинней вере, ниже козней вражиих устрашатися, но и в скорбех и напастех; за вся благодарити Бога, поюще; Ему: Аллилуйя.

### **Икос 10**

Стена тверда и надежное прибежище есте, святии мученицы, всем, к вам прибегающим и скорья помощи требующим, сего ради во умилении сердца нашего взываем:

Радуйтесь, всех скорбящих радование.

Радуйтесь, всех угнетенных и поработенных прибежище и освобождение.

Радуйтесь, вдов и сирот заступление.

Радуйтесь, от ересей и расколов ограждение.

Радуйтесь, яко вси нечестйвии житию вашему удивляются.

Радуйтесь, яко вси благочестйвии о имени вашем веселятся.

Радуйтесь, Гурие, Самоне и Авиве, страстотерпцы Христовы и обидимых покровителие!

### **Кондак 11**

Пение благодарственное приносите ко Господу и о нас, теплии заступницы наши, молим вас присно не отступати от нас, грех наших ради, но милосердие от Господа всем испросити, вопиющим Ему: Аллилуйя.

## **Икос 11**

Светозарную трицу святых мучеников восхваляюще, вернии, устранимся распрей и раздоров в жизни сей, убежим несогласий и разделений в вере Православней и храняще единение духа в союзе мира, из глубины души воскликнем тако:

Радуйтесь, громогласныя трубы евангельскаго благовестия.

Радуйтесь, сладкозвучныя гусли проповеди спасения.

Радуйтесь, крепции правды рачителие.

Радуйтесь, непоколебимии неправды истребители.

Радуйтесь, благочестивым семействам мира и блага податели.

Радуйтесь, жестоким и неверным супругом строгие наказатели.

Радуйтесь, Гурие, Самоне и Авиве, страстотерпцы Христовы и обидимых покровителие!

## **Кондак 12**

Благодать, данную вам от Бога, ведуще, память вашу празднуем, святые мученицы, с усердным молением к вашему честному образу притекающе, вашей твердою помощию, яко неборимую стеною ограждаем, сего ради восхваляем вас, страстотерпцы Христовы, и усердно зовем Богу: Аллилуйя.

## **Икос 12**

Поюще ваше дивное житие и мученическую кончину, молим вас, страстотерпцы Христовы Гурие, Самоне и Авиве, будьте нам во всем благие помощни-

цы, благословите нас миром и любовью, подайте нам твердую веру, чистоту жизни и страх Божий, да вси душевный покой имуще, в радости воскликнем:

Радуйтесь, яко имена ваша и между неверными прославляются.

Радуйтесь, покой и отрадо скорбящим.

Радуйтесь, страх и удивление обидящим.

Радуйтесь, невинную жену от лютыя смерти спасшии.

Радуйтесь, злаго мужа ея достойно покаравшии.

Радуйтесь, Гурие, Самоне и Авиве, страстотерпцы Христовы и обидимых покровителие!

### **Кондак 13**

О святии страстотерпцы Христовы Гурие, Самоне и Авиве, примите сие наше хвалебное пение и, услышав усердное желание наше, избавите нас теплым своим к Богу предстательством, от всякаго зла, от вражды и несогласий и всяких лютых бед и болезней, да с любовью вас чтуще, выну зовем Богу: Аллилуйя, Аллилуйя, Аллилуйя.

*Этот кондак читается трижды, затем икос 1-й “Ангелы во плоти...” и кондак 1-й “Избраннии чудотворцы...”*

### **Молитва первая**

О святии мученицы и исповедницы Христовы Гурие, Самоне и Авиве, теплии о нас ходатаи и молитвенницы пред Богом! Во умилении сердец наших, взирая на ваш пречистый образ, смиренно молим вас: услышите нас, грешных и недостойных рабов своих, сущих в бедах, скорбех и напастех, и, призрев наша тяжкая и бесчисленная прегрешения, явите нам; свою великую милость, воздвигните нас из глубины греховныя, просветите ум наш, смягчите злое и окаян-

ное сердце, прекратите зависть, вражду и раздоры, в нас живущие, осените нас миром, любовью и страхом Божиим. Умолите милосердного Господа, да покрывает множество грехов наших неизреченным Своим милосердием, да соблюдет Церковь Свою святую от неверия, ересей и расколов, да подаст стране нашей мир, благоденствие, земли плодородие; супругам - любовь и согласие; чадам - послушание; обидимым - терпение; обидящим - страх Божий; скорбящим - благодушие; радующимся - воздержание. Всех же нас да покрывает Своею всемогущею десницею и да избавит от глада, губительства, труса, потопа, огня, меча, нашествия иноплеменников, и междоусобных брани, и напрасныя смерти. Да оградит нас ополчением святых Своих Ангелов, во еже избавитися нам по исходе нашем из жития сего от козней лукаваго и тайных воздушных мытарств его, и не осужденными предстати Престолу Господа Славы, идеже лица святых Ангел со всеми святыми выну славят пресвятое и великолепое имя Отца и Сына, и Святаго Духа, ныне и присно и во веки веков. Аминь.

### **Молитва вторая**

О преславнии мученицы Гурие, Самоне и Авиве! Защитите нас, раб Божиих (имена), от напастей злых человек и козней демонских; оградите нас от нечаянных смерти, избавите от огня, меча и всякаго душепагубнаго обстояния. Ей, страстотерпцы Христовы, устройте нам молитвами вашими вся благая и полезная, да благочестно житие временное прешедше и кончину непостыдну стяжавше, удостоимся теплым заступлением вашим со всеми святыми одесную Правосуднаго Бога Судии стати и Того непрестанно славити, со Отцем и Святым Духом, во веки веков. Аминь.

### **Молитва третья**

О преславнии мученицы Гурие, Самоне и Авиве! К вам, яко скорым помощником и теплым молитвенникам, мы, немощнии и недостойнии, прибегаем, усердно моляще: не презрите ны, во многая беззакония впадшия и по вся дни и часы согрешающия; наставите на путь правый заблудшия, исцелите страждущия и скорбящия; соблюдайте ны в непорочном и целомудреннем житии; и якоже древле, тако и ныне покровителие супружеств пребудите, в любви и единомыслии сия утверждающе и от всех злых и бедственных обстояний избавляюще.

ще. Защитите, о многомощнии исповедницы, вся православныя христианы от напастей, злых человек и козней демонских; оградите я от нечаянныя смерти, умоляюще Всеблагаго Господа, да великия и богатыя милости нам, смиренным рабом Своим, пробавит. Несмы бо достойни нечистыми устнами призывати великолепое имя Создателя нашего, аще не вы, святии мученицы, за ны ходатаи будете; сего ради к вам прибегаем и предстательства вашего пред Господем о нас просим. Такожде избавите нас от глада, потопа, огня, меча, нашествия ино-племенных, междоусобныя брани, смертоносныя язвы и всякаго душепагубнаго обстояния. Ей, страстотерпцы Христовы, устройте нам молитвами вашими вся благая и полезная, да благочестно житие временное прешедше и кончину непо-стыдну стяжавше, удостоимся теплым заступлением вашим со всеми святыми одесную Правосуднаго Бога Судии стати и Того непрестанно славити со Отцем и Святым Духом во веки веков. Аминь.

## **ЖИТИЕ СВЯТЫХ МУЧЕНИКОВ И ИСПОВЕДНИКОВ ГУРИЯ, САМОНА И АВИВА**

*(память 15/28 ноября)*

Во время гонений на христиан при императорах Диоклетиане (284-305) и Максимиане (305-311) вблизи города Едессы, находившегося в Македонии, жили в уединении два благочестивых и добродетельных мужа: Гурий и Самон. Воспитанные в самом городе, они не захотели жить там по причине суеты и беззаконий, господствовавших в нем. Они не только сами неуклонно работали Господу, но учили этому и других. Многих язычников святые обратили от безбожного идолопоклонства и привели к истинному богочитанию.

Узнав об этом, едесский представитель римских царей, воевода Антонин, приказал схватить двоих друзей, а с ними и всех, последовавших их учению. Антонин надеялся, отвратив от Христа Гурия и Самона, повлиять этим и на прочих христиан. Однако он ошибся. На предложение принести жертву богам святые ответили решительным отказом. За это они подверглись страшным мучениям: их били, подвешивали за руки, привязав к ногам тяжелый груз, бросили на несколько месяцев в крайне тесную темницу, куда не проникал ни свет, ни ветер. Мученики, все переносили с твердостью и молитвой. Ничего не добившись, мучеников отвезли за город и обезглавили. Христиане погребли их святые тела.

Через несколько лет последний император-язычник Ликий (311-324) начал новое гонение на христиан. Тем самым он нарушил договор, заключенный с ним Императором Константином Великим, согласно которому Ликий обещал Константину не притеснять христиан. В это время в Едессе жил со своей матерью один благочестивый диакон по имени Авив. Император Ликий повелел схватить его за ревностное распространение истинной веры.

В то время, как воины по всему городу искали Авива, он, узнав об этом, вместо того, чтобы скрываться, выйдя из дома, сам отыскал их, не желая, чтобы при его розыске пострадали другие христиане. Воины хотели отпустить святого

и сказать императору, что не смогли найти его, но Авив воспротивился этому. Тогда он был приведен пред правителя. Святой исповедал веру во Христа и был приговорен к сожжению. Мученик сам пошел в огонь и с молитвой предал дух свой Господу. Когда огонь погас, мать святого и родственники обрели тело его неповрежденным. Мученика похоронили рядом со святыми Гурием и Самоном. Пострадал он в тот же день, что и первые мученики, только через несколько лет.

Святые стали покровителями города Едессы. После их смерти совершались многочисленные чудеса с теми, кто с верой и любовью призывал их себе на помощь. Так, однажды один воин - готт, посланный на службу в Едессу, остановился в городе у некоей вдовы Софии, имевшей единственную горячо любимую дочь - Евфимию, Евфимия была прекрасна собой, отчего ее мать прятала ее во внутренних комнатах от взгляда недобрых людей. Однако готт, довольно долгое время оставаясь в доме вдовы, увидал однажды красоту Евфимии и стал настойчиво просить Софию выдать дочь за него замуж. Мать не хотела отдавать ее в чужую страну, но готт, то ласками, то уговорами не переставал надоедать ей. И вот он поклялся ее матери Софии у гробницы мучеников Гурия, Самона и Авива, что не сделает супруге никакого зла, никогда не оскорбит ее, но будет любить и почитать. И мать отдала ее наконец замуж.

По окончании службы в Едессе готт взял Евфимию с собой и возвратился на родину. Оказалось, что он обманул ее: на родине у него была жена. Евфимия стала его рабыней. Много издевательств и унижений пришлось претерпеть Евфимии. Когда у нее родился ребенок, то ревнивая готчанка отравила его. Евфимия обратилась с молитвой к святым мученикам - свидетелям клятвы обманщика, и Господь избавил ее от страданий и чудотворенно перенес в Едессу, где она встретилась с матерью. Через некоторое время клятвopеступника вновь послали на службу в Едессу. Весь город узнал о его злодеянии, обличенном Софией, и по приказу правителя готт был казнен.